



**JABATAN PERIKANAN
KEMENTERIAN EKONOMI, PERDAGANGAN DAN INDUSTRI**

**SYARAT-SYARAT LESEN ALAT MENANGKAP IKAN BAGI
NELAYAN KECIL-KECILAN **PERSENDIRIAN (PENUH MASA)**
(TUGU, KILONG, LINTAU DAN SELAMBAU)
DI BAWAH SEKSYEN 8 (1) AKTA PERIKANAN, PENGGAL 61**

1. Lesen alat menangkap ikan (bilangan) adalah untuk alat **(tugu, kilong, lintau, selambau)** yang dipunyai oleh (nama pemilik).
2. Alat tugu / kilong / lintau / selambau hendaklah diusahakan sendiri oleh pemegang lesen dan tidak boleh dikendalikan oleh nelayan-nelayan yang terdiri daripada pekerja asing.
3. Pemegang lesen hendaklah tidak menukar milik, menjual, menyewa atau memberikan manfaat lesen kepada orang lain.
4. Alat tugu / kilong / lintau / selambau hendaklah ditahan di kawasan yang telah dibenarkan oleh Jabatan Perikanan sahaja.
5. Tempat dan bilangan tahanan alat tugu / kilong / lintau / selambau tidak boleh dipindah atau ditambah daripada yang dinyatakan di dalam lesen.
6. Pemegang lesen hendaklah apabila lesen tamat tempohnya atau dibatalkan atau apabila dia berhenti mengusahakan alat tugu / kilong / lintau / selambau di kawasan yang dibenarkan, hendaklah membuka dan membersihkan tiang-tiang atau turus tugu / kilong / lintau / selambau yang tidak digunakan lagi dengan serta-merta atau dalam tempoh masa sebagaimana yang diarahkan oleh Pengarah Perikanan dengan perbelanjaan ditanggung sendiri oleh pemegang lesen. Jika gagal mengosongkan kawasan, Jabatan Perikanan berhak membuka semula tiang-tiang atau turus tugu / kilong / lintau / selambau berkenaan dan semua perbelanjaan akan ditanggung oleh pemegang lesen berkenaan.
7. Pemegang lesen hendaklah memindah atau mengubahsuai alat tugu / kilong / lintau / selambau seperti yang diarahkan oleh Pengarah Perikanan jika ia membahayakan navigasi atau atas sebab-sebab lain tanpa diberi sebarang ganti rugi atau pampasan oleh Kerajaan.
8. Alat tugu / kilong / lintau / selambau hendaklah dipasang lampu pada waktu malam dan boleh dilihat oleh semua pelaut.



**JABATAN PERIKANAN
KEMENTERIAN EKONOMI, PERDAGANGAN DAN INDUSTRI**

9. Pemegang lesen hendaklah memastikan supaya mana-mana ikan atau spesies yang dinyatakan di bawah yang tertangkap hendaklah dilepaskan dengan serta-merta tanpa merosakkan ikan atau spesis berkenaan:-
- a. udang bakara yang bertelur;
 - b. udang bakara yang mempunyai ukuran panjang kepala kurang daripada 7.5cm;
 - c. ketam yang bertelur;
 - d. ketam yang mempunyai ukuran lebar badan kurang daripada 11.5cm;
 - e. udang galah yang bertelur;
 - f. semua spesies ikan yu;
 - g. ikan lumba-lumba (*dolphin*);
 - h. dugong; dan
 - i. penyu.
10. Pemegang lesen alat tugu / kilong / lintau / selambau hendaklah menyediakan tanda pengenalan seperti berikut:-
11. Tanda pengenalan tersebut hendaklah sentiasa ditempatkan (digantung) di tiang atau turus tugu / kilong / lintau / selambau masing-masing.

15 cm	30 cm Nama Pemegang Lesen: Nama Kawasan Penahanan / Nombor Jumlah Tahanan :
-------	--

12. Pemegang lesen hendaklah menyediakan dan menghantar kepada Jabatan Perikanan laporan-laporan berikut dengan cara yang diarahkan:-
- a. Jumlah hasil tangkapan ikan sebenar setiap kali mendarat termasuk jenis spesis, berat dan nilai; dan
 - b. Laporan atau maklumat lain yang dikehendaki oleh Jabatan Perikanan.



**JABATAN PERIKANAN
KEMENTERIAN EKONOMI, PERDAGANGAN DAN INDUSTRI**

13. Pemegang lesen hendaklah mematuhi Akta Perikanan, Penggal 61 serta undang-undang dan peraturan-peraturan Negara Brunei Darussalam.

Nota:

- Kadar yuran lesen alat-alat menangkap ikan adalah seperti dalam **Lampiran B**.
- Nelayan kecil-kecilan yang telah mempunyai lesen sebelum 1 Januari 2008 bagi alat menangkap ikan yang dibekukan, dibenarkan untuk membaharui lesen tahunan sebelum 31 Disember setiap tahun. Walau bagaimanapun, jika lesen tersebut mansuh dan tidak dibaharui sebelum 31 Disember, Jabatan Perikanan tidak akan mempertimbangkan permohonan untuk membaharui lesen bagi alat menangkap ikan yang dibekukan tersebut.
- Pengarah Perikanan berhak dan boleh menambah atau mengubah syarat-syarat ini mengikut keperluan dari masa ke semasa.
- Pegawai-Pegawai Jabatan Perikanan yang Yang Diberi Kuasa hendaklah dibenarkan untuk menjalankan pemeriksaan pada bila-bila masa.
- Lesen boleh dibatalkan atau digantung pada bila-bila masa jika didapati mana-mana syarat-syarat lesen, undang-undang dan peraturan-peraturan yang dikuatkuasakan dan apa-apa sekatan atau remedi lain yang diperuntukkan di bawah Akta Perikanan, Penggal 61 atau undang-undang dan peraturan-peraturan Negara Brunei Darussalam tidak dipatuhi.
- Syarat-syarat lain adalah seperti yang dikuatkuasakan di bawah Akta Perikanan, Penggal 61 dan Peraturan-Peraturan Perikanan yang ada.
- Kegagalan mematuhi syarat-syarat lesen adalah merupakan satu kesalahan dan boleh diambil tindakan di bawah Akta Perikanan, Penggal 61 dan jika sabit kesalahan boleh dikenakan denda tidak melebihi B\$10,000 atau penjara satu (1) tahun atau kedua-duanya sekali.




**JABATAN PERIKANAN
KEMENTERIAN EKONOMI, PERDAGANGAN DAN INDUSTRI**

Saya dengan ini bersetuju dengan syarat-syarat yang tersebut di atas.

Nama : _____
Jawatan : _____
Alamat : _____

No. Kad Pengenalan : _____
No. Telefon : _____ (ofis) _____ (hp) _____ (fax)
Emel : _____
Tandatangan : _____
Tarikh : _____
Bilangan Lesen : _____



=====

UNTUK KEGUNAAN PEJABAT

Pegawai Yang Diberikuasa :

Nama : _____
Jawatan : _____
Tandatangan : _____
Tarikh : _____

